



Broj: 17-14-25710-11  
Sarajevo, 23.07.2018. godine

Na osnovu člana 69. stav (2) tačka d), člana 70. stav (4) Zakona o javnim nabavkama ("Službeni glasnik BiH", broj: 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo ("Sl. Novine Kantona Sarajevo broj 5/06 – Prečišćeni tekst) i Preporuke Komisije za nabavku roba u postupku javne nabavke i isporuke računara i računarske opreme za potrebe Kantonalne uprave za inspeksijske poslove Kantona Sarajevo od 19.07.2018. godine, načelnik Stručne službe za zajedničke poslove donio je

### **ODLUKU**

#### **o poništenju postupka javne nabavke i isporuke računara i računarske opreme za potrebe Kantonalne uprave za inspeksijske poslove Kantona Sarajevo za LOT 2**

#### **Član 1.**

##### **(Predmet Odluke)**

Prihvata se Preporuka Komisije za javne nabavke roba (*u daljem tekstu: Komisija*) sadržane u Zapisniku o pregledu i ocjeni ponuda broj: 17-14-25710-9 od 19.07.2018. godine i poništava se postupak javne nabavke i isporuke računara i računarske opreme za potrebe Kantonalne uprave za inspeksijske poslove Kantona Sarajevo putem otvorenog postupka javne nabavke.

#### **Član 2.**

##### **(Obavještenje učesnika u javnoj nabavci)**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

#### **Član 3.**

##### **(Objava Odluke)**

Ova odluka objavit će se na web-stranici ugovornog organa [www.sszp.ks.gov.ba](http://www.sszp.ks.gov.ba), istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

### **O B R A Z L O Ž E N J E**

Postupak javne nabavke pokrenut je Odlukom o pokretanju postupka javne nabavke broj: 17-14-25710-1 od 25.06.2018. godine.

Javna nabavka je provedena putem otvorenog postupka javne nabavke.



Ukupna procijenjena vrijednost nabavke iznosi 118.000,00 KM, od čega 88.000,00 KM za LOT 1. Obavještenje o nabavci broj: 1230-1-1-55-3-37/18 objavljeno je dana 25.06.2018. godine. Tenderska dokumentacija objavljena na portalu javnih nabavki dana 25.06.2018. godine.

Komisija za javnu nabavku imenovana je Odlukom o imenovanju broj:17-01-05-31300 od 20.10.2017. godine.

Krajnji rok za prijem ponuda bio je: 16.07.2018. godine do 14:00h, a javno otvaranje ponuda je upriličeno u Multimedijalnoj sali (Ul. Reisa Džemaludina Čauševića 1), sa početkom u 14:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-14-25710-9 od 19.07.2018. godine koji ujedno čini preporuku o poništenju postupka javne nabavke za LOT 2.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispljenih ponuda, o čemu je sačinila odgovarajući zapisnik, u kojima je za LOT 2 utvrđeno sljedeće:

- Ukupan broj pristiglih ponuda: 3
- Broj blagovremeno zaprimljenih ponuda: 3
- Broj neblagovremeno zaprimljenih ponuda: 0
- Broj prihvatljivih ponuda: 0
- Broj neprihvatljivih ponuda: 3

Prema navedenom Zapisniku, Komisija je pristupila analizi dostavljene dokumentacije u smislu provjere validnosti ponuda obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom, ostalim podzakonskim aktima i tenderskom dokumentacijom.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je potvrdila da:

1. se ponuda ponuđača **FIXIT d.o.o. Sarajevo odbacuje** iz razloga što ponuđač nije dostavio kopiju ponude, a kako je zahtjevano Poglavljem IV tačka 1) podtačka o) tenderske dokumentacije. Ponuda se odbacuje u skladu sa članom 68. stav (4) tačka i) iz razloga što ponuda nije potpuna.
2. se ponuda **ELUR d.o.o. Kiseljak odbacuje** iz razloga što je ponuđač propustio dostaviti kopiju Bilansa stanja za 2017. godinu, a kako je zahtjevano tačkom 1.4 "Ekonomska i finansijska sposobnost" tenderske dokumentacije. Ponuda se odbacuje u skladu sa članom 68. stav (1) i (4) tačka i) iz razloga što je ponuđač dostavio nepotpune dokaze koji su dokaz ispunjavanja uslova iz čl .47 te iz razloga što ponuda nije potpuna.
3. se ponude ponuđača **Digitarija d.o.o. Sarajevo odbacuje** iz razloga što ponuda ponuđača ne ispunjava postavljene minimalne tehničke specifikacije.  
Tenderskom dokumentacijom su definirane minimalne tehničke specifikacije gdje je za stavku pod rednim brojem 1., između ostalog, zahtjevan procesor pete generacije, odnosno "Procesor: Intel Core **i5**-7400", dok je ponuđač ponudio model sa procesorom treće



generacije, odnosno model „HP Prodesk 600 G3 s procesorom Intel 6100 i3“. Na osnovu navedenog ponuda ponuđača je tehnički neusaglašena i kao takva neprihvatljiva, te se ista odbacuje u skladu sa članom 68. stav (4) tačka i) iz razloga što ponuda ne ispunjava zahtjeva zahtjeve iz tenderske dokumentacije.

Komisija za javnu nabavku roba u navedenom Zapisniku je konstatirala da nijedna od primljenih ponuda nije prihvatljiva, te je shodno tome preporučila poništenje predmetnog postupka u skladu sa članom 69. stav (2) tačka d) Zakona.

Na osnovu gore navedenog, odlučeno je kao u dispozitivu ove Odluke.

### **POUKA O PRAVNOM LIJEKU:**

U skladu sa članom 101. Zakona o javnim nabavkama, protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke, na način propisan članom 99. i 105. Zakona.



Pripremila: Azra Sipović

### **Prilog:**

Zapisnik o pregledu i ocjeni ponuda

### **Dostaviti:**

1. Ponuđačima
2. a/a



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094, Fax: + 387 (0) 33 562-220  
Sarajevo, Reisa Džemaludina Čauševića 1



